


KNY-18-00333

bottom.
Rotten 62.



62.

MARIA
VIRGO FIDELIS,
QUIA
Stetit VERBO;
VERBO
QUOD UTERO SUO IMMACULATO
De Spiritu Sancto concepit,
HUIC
IN SPIRITU SANCTO CONCEPTA
Nunquam rebelli voluntate contraivit;

Inde

Primô Conceptionis momentô
Infidelitatem Adæ exosa,
PRÆCEPTI DIVINI CUSTOS MANSIT
IMMACULATA:
CORAM
REVERENDISSIMO, AC CELSISSIMO
PRINCIPE
DOMINO DOMINO

JOANNE MAURITIO
GUSTAVO,
DEI Gratiâ Archi-Episcopo Pragensi,



Sedis Apostolicæ Legato Nato, Sacri Romani
Imperii Principe, Comite de Manderscheid, Blancken-
heim, & Geroldstein, Libero Barone de Junkerath, Domino in
Bettingen, Daun, & Erp: Sac. Cæf. Regiæq; Cathol. Majestatis Consiliario In-
timi, Actuali, Incliti Regni Bohemæ Primate, Ecclesiarum, Metropolitanæ
Coloniensis, & Cathedralis Argentinensis respectivè Præposito, Seniore, &
Thesaurario, Insignis Ecclesiæ Collegiatæ ad S. Gereonem intrâ Coloniam pa-
riter Præposito, nec non Antiquissimæ, ac Celeberrimæ Carolo-Ferdinandeæ
Universitatis Pragensis, ac Almae Colonensis Amplissimo,

Perpetuóque CANCELLARIO;

ILLUSTRISSIMIS, REVERENDISSIMIS, ac EXCELLENTISSIMIS
REGNI BOHEMIÆ PROCERIBUS,

REGIISQUE LOCUMTENENTIBUS,

KNY-18-00333 Nec non
SENATU, POPULQ; ACADEMICO,
SUB RECTORATU

Prænobilis, Generosi, Clariſſimi, ac Consultiſſimi Viri

D. WENCESLAI XAVERII

NEÜMANN DE PUCHHOLTZ,

J. U. Doctoris, Sac. Cæf. Regiæq; Cathol. Majestatis Consiliarii, in
Alma, Cæfarea, Regiāque Universitate Carolo-Ferdinandeæ Pragensi, SS. Ca-
nonum Professoris Regii, Publici, ac Ordinarii, in Inclito Regno Bohemæ Re-
gii Fisci Adjuncti, & Advocati Jurati, Facultatis Juridicæ Senioris,
nee non Ejusdem Universitatis Pragensis p. t.


RECTORIS MAGNIFICI,

IN BASILICA TEYNENSI

Inter Anniversaria Jurisjurandi pro Immaculata DEI-Paræ
Conceptionis Solennia

Panegyricè proposita

Reverendo, ac Eximio Patre, P. CHRISTIANO SCHARDT, è Societate
JESU, SS. Theologiae Doctore, Ejusdémq; in Alma Carolo-Ferdinandeæ
Pragensi Universitate Professore Regio, Publico, ac Ordinario,
Anno à Partu Virginis M. DCC. XXXIV. Die Decembris.



ORATIO.



B exordio laudum Marianarum ad pedes delabitur ancillatura Virgini! Oratio! pedis sequa est: triumphalibus plantis Servam adrepercere oportuit; indiga verborum: dum de Illa conceptum parturit, quæ Verbum genuit infabile, vel initio dictionis ad calcem venit. Ad pedes delabitur ancillatura Mariæ! Oratio! Atalantæ more viâ mandatorum relictâ post pomum procurri, ad petram scandali offendit, in capite infelix nepos cecidi, claudus pede ad coronatum Virginis verticem non assurrexi. Ad pedes delabitur ancillatura Mariæ! Oratio! in capite aliis nascatur Pallas, mihi acephala, tota pedestris est; caput Adæ damno, primum Virginis vestigium maculæ expers, propugnatum eo. Et vero in hoc amula pietate Sponsi cœlestis sequor sive exempla, sive imperia: Panegyres ille Virginis non ordinatur descendendo à vertice, sed ascendendo à pede; pes illi mensura laudum, nec satis argutè Epithalamium suum procursum autumat in encomia Sponsæ, nisi Epilogus Virginis, pes, inquam, primas teneat à capite: *Quāmpulchri sunt gressus tui in calceamentis, Filia Principis.* (a) Cant. 7. (a) quæ primo ortu, ceu Aurora, aurea illa diei puerpera, progrederis, quæ primo viæ & vitæ vestigio vigilem noctis oculum lunam suppedaneam nancisceris, quæ vix nata, sideribus nota, totum cothurnum cœlo imprimis: *quam pulchri gressus tui!* hæc summa Elogii! At at ô dulcis Sponte! non te rapit bis senis circumfluus sideribus, ceu totidem virtutum monilibus, coruscus Virginis

vertex ? hunc admiror, non rapior; non frontis, modestia planata, niveus pudor? suspicio, non capior; non vigiles oculorum speculae in sidera porrectae? his vulneror, non captivor; non labiorum gratia, non magnanima hospes puellaris pectoris constantia? utroque non vincolor; una pedum arridet elegantia, una placet majestas calceata; quam pulchri in calceamentis gressus tui, haec summa Elogii ! Verum enim verò quid sibi vult, quod Verbum æternum olei instar in encomia Sponsæ profusum pedes, non caput suavi laudum lenocinio liniat, affectusque suos à summo ad ima ducat ? Dicam, quod sentio: Apelles DEUS est, qui artifice penicillo pulcherrimam Trinitatis imaginem in membrana Virgine formavit, dum Mariam luci primulæ exposuit, atque nè Momos, Sandalia fugillantes, nanciseretur, primum vestigium laudavit, quam pulchri gressus tui, haec summa Elogii ! Non deerunt, ratiocinabatur Sapientia fabli nescia, qui Virginei Corporis, animique exagrabunt charites, extollent pulchritudines; Caput alii astris inferent in Assumpta, collum, traducem illam viam, defluam in meliorem mortalium vitam in Neo-nata, manus hyacinthis plenas in Matre divite Gratiarum ab Angelo Salutata, brachia Agnum pro peccato in atria Domini bajulantia in Purificata, solos pedes, primum vitæ vestigium, ceu luto paterno impressum, criminabuntur in Conceppta. Eja itaque à pédibus laudum cùrsum texamus, speciosum Filiae Principis calceamentum vulgemus, quam pulchri gressus tui, hoc caput Elogii ! Et quam bellè & Ego in Sponsi sententiam abeo, namque DEUM immortalem ! Illiusne calcaneum iniquitas circumdederit, quæ priusquam virulento alpidis morsu petita, serpentis caput protrivit ? Illane primo vestigio compedem inferni captiva induerit, quæ redemptionis humanæ lytrum progenuit. Illiusne pes spissa peccatorum nocte insorduerit, cui solem pro solea Numinen appinxit ? Illane miserando per devia lapsu ceciderit, cui levam, ut staret, Verbum supposuit ? Stetit imò Virgo, nec unquam virgam Jesse radice, ceu pede propululantem vermis conscientię arrofit, quæ fructum benedictum orbi maturavit ; stetit Virgo fidelis vel primō conceptionis momentō, stetit Verbo. Verbum de Spiritu Sancto fœcunda genuit, Verbo in Spiritu Sancto concepta nec primō vitæ rudimentō contravit ; stetit Virgo, & quia fidelis, stetit Verbo. Et haec basis argumenti mei est Reverendissime, Celsissime Princeps, & Archi-Præful; Reverendissimi, Excellentissimi,

simi. & Illustrissimi Proceres, Locumtenentes Regii, cui immaculatos Virginis conceptus superstruo : Intaminatam dabo Matrem, quia fidelem, præservatam à lapsu originario, quia stantem Verbo ; quaternis abhinc annis Primam Gratia Locumtenentem dedi, Matrem Vestris ô Patres Patriæ subselliis miscui ; Statione illustri Viraginem non eximo, quin imò Locumtenentem Gratia roborabo , quia fidelem dabo. Fides & fidelitas prima Munii Vestri virtus est, huic Sapientiam federatis, atque gemino hoc pede ceu Herculis columnis felicitatem Reipublicæ firmatis. Annosa Vestra est fidelitas, perennat in obeliscis , vivit in monumentis ! Martinizios testor & Slavatas, grandia nomina, imò Patriæ Numina ! qui furore hostium in præceps acti cadere non potuerunt, quin assurgerent in statuas ! Avorum gloria vestra loquitur facinora, quæ passi illi, Vos agitis , quin imò agendo & patiendo viva fidelitatis imago estis. Vestram ergo denuo Matrem accipite, Immaculatam, quia stantem fidelitate. Sed & Vos Magnifice Domine Rector, Spectabiles Decani, Eximii, Clarissimi, Excellentissimi , Doctissimique Seniores, Professores, & Doctores, Senatus, Populéque Academice, in meam nunc quidem pedibus, deinceps etiam jurejurando manibus abite sententiani ; absit Viraginem metiamur pede nostro, quæ nusquam non fidelis, nunquam in capite cecidit, semper stetit Verbo.

Nox erat, & tacitis errabant astra tenebris , dum architectrix Numinis Sapientia Virum emolliret, atque è Proto-parentis costa, ossuarium illam humanitatis, mulierem ædificaret. Quis enim solem cœlo præcipitem abneget , dum universum genus hominum in capite soporatum in utramque aurem stertens videt ? Lucis diurnæ nè legimentum horizonte superfuerit, posteaquam lucis vitalis primordia somnō tam festinō Adam emunxit. Inter atrum ergo tenebrarum luctum altū dormit Adam ; silentium ! quies omnis nocte concubia à Viro absumi debuit, ut mulier parturiretur, fomes inquietudinis, & turbarum ! Et verò papæ ! in quam spissitudinem infamis hæc vespera adolevit ? Mulier vix nata, jam nocti nota, sermones non alteri miscet, quam tenebrioni personato serpenti ; vel ex materie horrentem metiamur umbriam , scilicet de arbore scientiæ differunt, ut nox nocti indicet scientiam ; (b) Psalm. (b) ipsum lumen rationis crederes penè extinctum, posteaquam in I 8, v. 3. ipso Veritatis æternæ Verbo, nè forte moriamur, (c) fatua mulier con- (c) Gen. 3.

cepit dubium. Hic ego non abs re totis artibus perhorresco, atque nī præsaga mali me mens fallat, submetuo, nè novelli viatores Cimmeria hac errantes à fideli mandatorum divinorum tramite devient, atque toto, ut ajunt, cœlo à stipulata Numinis fide aberrent;

(d) Gen. 3. quid enim nox illa, quā umbram Divinitatis, eritis sicut Dii, (d)
v. 5. hesperugo infelix Parentibus objicit, aliud præfigret? quid rebellis spiritus, quō cum longa paraphrasi sermonem miscet mulier, aliud portenderet? Miserandos Majores! pomum non à dracone Colchico, qui vellus aureum custodiat, sed niveum Innocentia detrahat, pomum, inquam, petulant manu à dolosa muliere porreatum Adam prehendit,prehensum abliguriit, & in malo uno ceu pomo Imperii Divini affectato filius tenebrarum fidem fregit, fidelitatem ejuravit, regno & felicitate justō rebellium supplicio excidit. Nec solitarium facinus pro more incelsit, sed totam longè posteritatem ceu conjuratos eadem poenâ involvens execrando Catilinæ flagitio prælusi. Fidem si pericitamini, revolvite noctem illam, non tam umbrarum peplō atratam, quā sceleribus horrendam, quā ferox Catilinæ animus in Patriam ausu nefando insurrexit: tum enim ut socios necessitudine quadam in scelus traheret, cruentem venis suis elicit, nefando crateri liberali vulnere infundit, atque ut consanguineos sceleris sui mercetur, bibendum singulis ferale poculum porrigit. Quid verò aliud Proto-parens egit? O! cruentis plorandam lacrymis, quā concipimur, noctem! quotquot sanguinem Adæ bibimus, fidem juratam Cœlo, fidelitatem DEO, orco fœderati abjuramus; hinc illæ lacrymæ! quibus exules filii Evæ casum nostrum ploramus, rebellem non modò spiriuiti, sed & DEO carnem accusamus. At at nemone posteriorum Adæ suxit sanguinem, quin sugeret & saniem? nulline tradux à Majoribus concessa vita, quin cognata eidem sint infidelitatis vitia? singuline concipimur tenebræ, nascimur filii iræ? Id enim verò si de filiis concedo, universim de filiabus nego, & pernego.

(e) Prov. Est enim verò inter filias, quæ supergreditur universas, (e) quæ no-

31. v. 29. ctem peccatorum non sensit, est *Ancilla Domini*, (f) quæ pōnum

(f) Luc. 1. Imperii non affectavit, quæ non minus legum quam Verbi præordi-

v. 38. dinata Custos, fide non ejuravit, verbō: est Maria Virgo fidelis,

quæ Verbo stetit. Quomodo enim, bona Numinis! lucis & vitæ

bajulam tenebræ comprehendenterint? nunquid Mulier fortis est?

(g) Prov. Non extinguetur in nocte lucerna Ejus; (g) quomodo in Verbo ad

31. v. 18. petram

petram scandali offenderit, nunquid Petram, quæ Christus est, genuit? nunquid pedem Virginis sidus nocturnum allambit, luna sub pedibus ejus; (h) quomodo in viri rebellis paetum descendere (h) Apoc. rit, quæ de Spiritu Sancto concipiens Virum non cognovit? quo modo hostibus federari potuit, quam Dominus in initio viarum possedit? quomodo infidelis inferni obes sit, quæ ab æterno Mater DEI præordinata fuit? cuius mamillam labia luxure impolluta, hæc tuber peccatorum fuerit? cuius sanguinem Filius calici redemptionis miscuit, hæc inferni Catilinæ craterem biberit? Illâne, quæ Regina à dexteris adstitit, lubricum pedem in vomitum maternum imprimens, ceciderit? quin imò Cœlum Virginum juro, Verbum Divinum testor; Maria perjurii nescia, Virgo fidelis Verbo stetit. Non appello hic Pontificum oracula, quibus nîl sanctius, non Conciliorum vota, quibus haud quicquam firmius, non Universitatum studia, quibus quid solidius? Non patrata utroque orbe thaumata, quibus nihil evidenter, unum appello Verbum, quô Virgo stetit, illudq; ex Davidis Oraculo Divinum: *Lucerna pedibus meis Verbum tuum, & lumen semitis meis.* (i) quod si lucerna pedū (i) Psalm. virginorum est Verbum, nunquid primum Virginis vestigium il- 118.v.105. lustravit? si illustre reddidit, quomodo noctem peccatorū sensit? si nocte peccatorū non sensit, quomodo infidelium umbras sectata cecidit? subinero: igitur Virgo noctis expers Verbo stetit; & lumen semitis meis: cur nō trivio? eccur semitis? Viragini gratulemur Mariophili! Nos nempe primo conceptu hostes DEI, hostia inferni, lutetias peccatorum, viam spatiostam errores nocturni ambulamus, Maria semitam elegit, lumen semitis meis, tramite recto viam mandatorum decurrit, ad lapidem non offendit, semper fidelis Verbo stetit; nox nocti scientiam indicabit, Maria uni Verbo, obumbrante Spiritu Sancto, patuit, dies diem eructavit, Verbum genuit, Verbo firmata semper fidelis stetit. Premamus argumentum: Maria Verbum genuit, igitur primo animationis instanti fidelis Verbo stetit. Et verò dum Virginis Verbo gravida benedictum attendo uterum, novum mihi tueri videor Cœlum: quid enim verò est Cœlum? Cœlum dum ajo: cogitate Divinitatis centrum, quo quid augustinus? æternitatis risum, quid illo dulcius? Omnipotentia sedem, quid illâ glorioius? Cœlum dum ajo: incomprehensi abyssum invenio, & perdon; intimum Majestatis cubile subintro, & percel- lor;

lor; excellentiæ æternitatiæ thronum suspicio, adoro! latreutica
veneratione inclinor. Est Cœlum deliciarum torrens, tempe ri-
dentium, centrum purissimarum consolationum! atque illud dum
paraphrai longa gemino, nunquid Viraginem, nunquid Matrem
DEI appello? Est imò Maria Cœlum novum, quæ æternum se-
cit Viatorem, & dedit hospitium; quæ peperit Parentem omnium,
& dedit Creatori uterum; quæ Regem sacerdorum concepit, &
in tempore dedit Majestati imperium. Nega, si potes, Antima-
riophile Verbi param Cœlum, quæ insedit Cœli Dominum? quòd
si Cœlum Virgo fuit, nunquid forde originaria inquinari, pecca-
torum nocte potuit atrari? Scabellum nunquid æternum Cœlo
extorris luciferi fuerit, quæ penetraculum Numinis audit? Ri-
sum teneamus amici! Arcam & Dagon pudendō vitio confun-
dimus si abominationem in loco sancto superstruimus; Cœlum
illud purissimum Divinitatis est tabernaculum, quo nîl subintrat
coinqnatum, Illa Gratia Sedes, cui perpetuum cum scelere dissim-
endum, Illa Civitas lucidissima est, quo nox non propinquat pecca-
torum. Utamur exemplò: surrexerunt resupina ex suis cineri-
bus multa corpora Sanctorum, dum Theander è cruce pendulus
sacratiissimum in manus Patis emitteret Spiritum; Cur ita? cre-
do: ut demortuo Servatoris corpori cederent tumulum, suum
quisque certatim reliquit sepulchrum; at ô errorem pium! incas-
sum isthæc sanctiori cinere animati Phœnices molimini; recusat
Corpus JESU loculum, sceletò, quod vermem sensit, pollutum,
nec recondi vult, nisi in novum de petra excisum. Vestram nunc
ego fidem Mariophili! si Numinis consilio, imò proposito (nihil
enim fortuitum cum Servatore actum) si Numinis proposito cor-
pus exanime, nulla tabe putridò recondi monumentò noluit, nun-
quid hospitem infernum in Cœlo Mariano, quo non sacras exuvias
triduo, sed mensibus novem Theander delituit, passus fuerit? Vi-
deo piam mentem vestram: vel meminisse hæc refugit; ergo Cœ-
lum Marianum nullo scelere pollutum vel primò conceptus mo-
mentò fidele perennavit; at enim nondum satis: si Cœlum Ma-
rianum sine labe intactum, sine corruptela peccati firmum consti-
tit, quis firmavit? quis solidavit? unum id Verbum, quod Mater
de Spiritu Sancto concipiens intacta genuit, unum id Verbum, cui
in Spiritu Sancto concepta Parens æternum præordinata est, u-
num

num id Verbum, Davidis denuo appello Oraculum: *Verbo Domini
cœli firmati sunt.* (k) egit, ut fidele staret, fecit. Stetit Cœlum (k) *psal. 32.*
Marianum, atque ut stare posset, caput humani generis exosum to- v. 6.
tum prius in pedes abiit: *Vidi Jerusalem novam descendentem de
cœlo;* (l) stetit Cœlum Marianum, Verbo, per quod facta sunt om- (l) *Apoc. 21.*
nia, in pensilem firmamenti nubem solidatum; stetit Cœlum Ma- v. 2.
rianum à contagio originariæ labis incorruptum. Posuerit in
Cœlo veterator stygius os suum, fauces serpentis viætrix planta e-
list; né ruinam minaretur, Urbs Virgo vetuit! Stetit Cœlum
Marianum, & quia Verbum intaminatis uteri laribus suscepit, Ver-
bo stetit. Et verò si secundissima Verbi carnem induti, Gene-
thlia pensiculatiūs rumino, n̄ ego Immaculatæ Matris n̄ undissi-
mum pedem ultra Herculis columnas in fide jurata stabilio. Ad-
venerat optatissima illa plenitudo temporis, quâ irarum satur Nu-
men non modò cœlos vête adamantino hucusque occlusos per-
rumperet, sed etiam positis furoris jubis Leo de tribu Juda in
Agnum mansuescere in sinu Virginis vellet; jāmque Aliger Nun-
tius nubium proiectus Essedō Cœlis demittitur, & quia Spirituum
ire, est pervenire, momento eodem florentissimam Nazareth do-
mum ingressus legationem à salute orditum: *Ave gratia plena!*
(m) DEO fœcunda, Immenso gravanda! post plenitudinem Ian- (m) *Luc. I.*
titatis abundabis gratiarum oceanō: *Dominus tecum;* in tempo- v. 28.
re æternum concipies Verbum, Fœmina circumdabis infantem Vi-
ruim. Sed hem! vix verba pro Verbo Orator Angelus promit,
genas Virgineas pudor inambulat, occupat artus tremor, animus
concutitur, Virgo turbatur; turbatur? dum Gigas DEUS ad cur-
rendam viam exultat? turbatur? dum laudes aliger Chorus ge-
minat? turbatur? poste aquam limbi siccantur lacrymæ? Ulula-
tus quiescit fremebundæ terræ? Et quomodo æstu cogitationum
abrepta turbari nequirit? ratiocinemur pro Virgine: Si gratia ple-
na audio, quomodo gratiæ primæ expers concipi potui? si Domi-
nus mecum, quomodo stygi relictæ, Averno mancipium succubui?
si Benedicta inter mulieres vulgor, quomodo, par reliquis, maledicto
obnoxia fui? aut erras Orator Angele, aut suspectam cave reddas
Virginem de ejurata semel fide! Hæc ego: quid Virgo? quomodo
fieri istud? Ego Mater DEI audiam, & parricidii rea prius utero si-
llium, originariæ noxæ pollutum, occidam, quam luci primæ effun-
dam?

dam? Ego parturiam solem, sed infamem pullæ noctis sobolem?
Ego gratiarum Oceanum concipiam, si Venus etiam in hoc mari,
littusque idem alliniunt Nymphæ, quod Gratia? quomodo fiet istud?
probrum potius sterilitatis eligo, quam fructum ventris maculem
scelere paterno. Mater si eligor, patrem in terris renuo, *Virum*
(*) v. 34. non cognosco, (*) Ita sollicita Genitrix perorabat pro Filio, ut immac-
culatus nasceretur primô vitæ momentô; nec prius in pacta An-
geli verbô: fiat descendit, nisi posteaquam de Spiritu Sancto se
concepturam intellectus; Verbum igitur, naturâ sanctum, etiam
voluntate Matris immaculatum, Verbo Mariæ stetit; quod si Ma-
ter in Filium pia adeò viscera habuit, Filius Matrem noxa involvi-
siverit? in fide periclitantem non manutenerit? à lapsu origina-
rio non tutaverit? Verbo Maria fidelis non steterit? næ tu mihi
misericordissimam Numinis bonitatem in barbariem efferas, quis-
quis Matrem adeò in Filium fidelem, Nati neglectu sub jugo Stygis
gementem, caducam, vel primô conceptûs momentô obstinatus
propugnas. Ego certè meliora animis volvens juratoriam tesse-
ram antevolo, palamque sanguine subscrivo: De Spiritu Sancto
Mater concepit, nec aliter concipere voluit, igitur in Spiritu San-
cto concepta fuit, semper fidelis Virgo Verbo stetit. Et quomo-
do infidelis audire potuit? scio rebellibus stata Jure supplicia, ut
eorundem ædes flammâ vindice exurantur, atque sale alpersa Tel-
lus, sterilitatis probrum, execretur; aliudne acutum, posteaquam
in pacta rebellis spiritûs personati serpentis descendit caput huma-
num? ruit tunc in favillam mundus, in malo igne positus, fomite
peccati infamis, ex quo Adam non tam decerpsum ex arbore ma-
lum, quam malam i lam granatam in ædem corporis humani tra-
jecit; tunc enim quisque Adamo Ucalegon proximus arsit, atque
in miserandum cinerem domus universa abiit; quin imò quid ajo
universa? ad pedes usque Virginis flamina serpsit, pedem, ædi-
(n) Psalm. cii fundamenta in montibus sanctis (n) radicata non attigit. Am-

86. v. 1. bigitis? Moysis ostenta revolvite, & nisi erro, manum dabitis.
Minabat pastoritâ virgâ ad montem Horeb villosum gregem Moy-
ses, & hem inquit, quæ cœlum mecum ludit miracula? quæ
ostentat portenta? vigilo? num Morpheô abreptus somnio? flam-
mantem circumquaque rogum cerno, sed sinè busto, Rubum ar-
dentem tueor, sed vidente ramo, incendia suspicio, sed frutice in-
con-

consumpto ; grande thauma ! insuetum ludunt portentum astra ;
sed enim, ruminabat secum Moyses , quid ista eminus tueor ? cur
non propinquo ? *vadam, & videbo.* (o) Verum vox Numinis se- (o) Gen. 45.
stinos gressus reprimit, ardoremque viatoris compescit ; sta Moy- v. 28.
ses, nè appropia ; itane ? magnalia DEI visurus eo ; sta, nè ap-
propia ; siccine ? adoraturus latreutico poplite venio ; sta, nè ap-
propia ; itane ? Israëli cætera duro & incredulo brachii tui po-
tentiam vulgaturus propero ; sta, nè appropia ; quæ causa ? ad-
dubitabat Moyses, (*sensa Patrum loquor*) Rubum flammæ medium
esse , illæsumque servari posse ; Rubum à noxio igne servatum
Verbi parentem fatidico spiritu prænovit , de veritate anxius rem
oculis periclitari statuit. Sta Moyses, nè appropia, indignus vide-
re cominus miracula , quæ eminus prospiciens negasti portenta.
Sed quis amabò pabulantis flammæ avidam esuriem compescuit ?
quis dentem voracem, nè Rubum incombustum Immaculatæ Vir-
ginis symbolum depasceretur , infregit ? Istud enim verò mons
Golgothæ planum dabit : agebat in pulvino spinarum grandem
animam Crucis suffixus Theander, vixque hanc Angelorum mini-
steriō in manus Patris dedit, papæ ! armatus Longini furor cor Ser-
vatoris, penetrale illud Divinitatis, hasta feroce aperuit, atque lar-
gissima flumina sanguinis & aquæ latere prolicuit : *continuò exiuit*
sanguis & aqua; (p.) Sanguis & aqua & rosæ commista tueor li- (p.) Ioan.
lia, campis Austræ assymbola ? purpuræ sociata sit lacryma ? venis 18. v. 34.
stillantibus rorans unda ? sanguis & aqua ? quid istud portenti ?
Gemini nempe ponè crucis stipitem stabant, quos signabant isthæc
thaumata Joannes & Maria: stabat in Joanne mortalitas in cine-
rem resupinata, huic, ut vitam daret, sanguinem dedit ; stabat Ma-
ter à busto Adami servata, illud manante ex latere unda. nè in Vir-
ginem serperet filiali pietate extinxit ; *sanguis* (*sensa sunt Mellili-*
flui) *sanguis nos redemit, aqua, ignes, nè serperent, restinxit.* (q) Re- (q) S. Am-
stinxit, nè deflagraret *Domus aurea*, restinxit . ut illæsum servaret bros. in cap.
pedem, Virginis fundamenta ; restinxit, ut præsignati Rubi vulga- 23. Lucæ.
ret miracula, *Rubum enim incombustum conservatam agno vimus tuam*
laudabilem Virginitatem, canit Ecclesia; restinxit , ut Verbo staret
fidelis etiam primò vitæ momentò Maria; fluxerint vitæ ostio ma-
nanti in aqua & sanguine Sacra menta , Sacramentum non mini-
mum in Nilo hoc Divinissimo Immaculatam Parentem ostentavit

promanans pio latere unda. Atque Sacramentum hoc à fæculis
hucusque absconditum, ut luci vulges, tuum est Corsinorum ocel-
le, pupilla Ecclesiæ ! reduc siperium ! concede Virgini, quod huc-
usque pietas nostra contexuit, fidelitatis balteum ! statuam gran-
dem Virginis Phidias Divinissime posuisti, si stantem primo conce-
ptu Virginem è Petri Cathedra pronuntiasti. Ad Te nunc ô Vir-
go ! cujus pedem in conceptu tuo ceu utero adversariis colluctan-
tem alter Jacob tenui, ad Te ô Virgo ! unum mihi est votum, prius-
quam de Immaculato Conceptu tuo dicatur Votivum: Stetisti Vir-
go ! Patriam bellis collabentem erige ! Cælarem, cuius symbolum:
CONSTANTIA & FORTITUDO, ab hostium furore fortiter de-
fende, constanter tutare ! audiat Pater Patriæ in Filio , regnet in
Nepotibus, sero omnium solatio ! Stet Austria in orbe ultima nun-
quam ruituro Imperio ! Stetisti Virgo : Celsissimi Pedum in seras
fæculorum Orbitas firma ! diu vivat iugi ovium solatio ! diu vi-
vat maximo Patriæ, fidei Minimæ Societatis voto ! diu vivat Re-
gni universi exspectatissimo emolumento ! Canescat Infula , &
Pedi tuo devota Archi-Præsulis Viola efflorescat subinde Eminens
Rosa. Stetisti Virgo : fidissimos Regni Proceres, ceu Reipublicæ
Bases annis robora, pietate, & sapientia solida , felicitatis & gloriæ
impertire incrementa ; Mater esto Patriæ Patribus, Præsidaria,
Juris & Justitiæ Tutoribus ! Stent felices absque casu , glo-
riosi assurgant sine lïpsi ! Stent ! donec canescencibus annis in
atria Domini prodeambulent. Ego qui hucusque pro Virgi-
neo pede steti, ambonâ cedo, atque jurata honoribus
Immaculatis victimâ ad pedes Virgineos cado.

D I X I.







